



INATSISARTUNI

Partii Inuit
Randi Broberg

UPA 2014/70-1
15.5.2014

**PILLUGU: Pisortat ikorsiissutaat pillugit Inatsisartut peqqussutaata allanngortinnissaar
pillugu Naalakkersuisut peqquneqarnissaannik Inatsisartut aalajangiiffigisassaattut
siunnersuut, anguniarlugu sapaatip akunnerini sisamani mattussisoqartalernissaar, qin-
nuteqartoq imaluunniit pisortat ikorsiissutaannik aningaasartuutinut
aalajangersimasunut kiisalu aningaasartuutinut ataasiartakkanut pisartagalik
pisimappat.**

(Inatsisartunut ilaasortaq / Medlem af Inatsisartut Andreas Uldum, Demokraterne)

Siunnersuutikkut anguniarneqarpoq pisortanit ikorsiissutit pillugit peqqussut
allanngortinnejassasoq, taamaasilluni pisortanit ikorsiissutinik pisartagalik,
ningaasartuutinut aalajangersimasunut ikiorserneqartartoq imal. ningaasartuutinut
ataasiakkaanut matussutissanik ikiorserneqartoq;

- suliffik innersuussaq qujarutinngippagu,
- suliffik innersuussaq takkuffiginngippagu,
- soraarsitaaneq namminerluunniit toqqakkamisut suliffik innersuussaq qimappagu.

Ataatsimut oqaatigalugu inuit sukateriffiginiarneqartutut taasat tassaallutik inuiaqatigiinnit
ikiorserneqarnissaminnik pisariaqartitsinngikkaluarlutik, pisortanit ikiorserneqarnissamik
ujartuinermikkut ikiorserneqartut.

Naalakkersuisut akissuteqaamminni erseqqissaatigat, siunnersuut itigartitsissutigineqassasoq,
pisortanit ikorsiisarneq pillugu maleruaqqusat annertuumik nutarteriffigineqalernerat
innersuussutigineqarlungi.

Nangittumillu erseqqissaatigineqarlunittaaq, ullumikkut maleruaqqusat atuuttut iluanni,
siunnersuutikkut ujartukkat nassaassaareersut.

Partii Inuit Naalakkersuisut innersuussutaat ilalerlutigu ima oqariartuuteqalaassaagut:

Inuit Ataqatigiit, Demokraatit Kattusseqatigiillu naalakkersuisuutaqnerisa nalaani,
tusagassiuititigut Demokraatinuit suaarutigineqarpoq, inuit uagut eqiasukkatta
sulerusunnginnattalu suliffissaaleqinermik eqqorneqartartugut.

Uagut inuit eqiasuttutut tusagassiuititigut suaarutigineqareernitta kingorna, taamani
naalakkersuisooqatigiinni soqutigisaqaqatigiit allat; tassalu IA, Demokraatit Kattusseqatigiillu
sunnguamilluunniit uagutsinnik inunnik taamatut naqissusiineq illuatungilerneqanngilaq.

Minnerunngitsumik Siumumiit.



INATSISARTUNI

Qulaani taaneqartut aallaavigalugit Partii Inuit naalakkersuinikkut soqutigisaqaqtigiit tamaasa aperissavagut, ilumut inummik suussusiliineq paasinninnerlu taama ittoq, suli nipaarsaarullugu isumaqataaffigineraat.

Nunarput ukiorpassuarni nunasiaasimavoq, taamalu pisuussutitsinnik ukiorpassuarni piaaffigineqartuarsimalluta, minnerunngitsumillu inuiattut immikkoortitaalluta immitsinnut oqartussaaffigilersinnaanerput pinaveersaartittuarsimallugu.

Namminersornerulluta Oqartussaanerput innersuussutigalugu, naalakkersuinikkut soqutigisaqaqtigiit amerlanerussutillit taannariuarsimavaat nunasiaajunnaarnikuusimanerput.

Taamatulli paasinnittaaseqarneq Partii Inuit illuatungilissallutigu pissutissaqarluarpugut. Nunasiaanerput suli qaangeqqajanngilarput, sulilu suliassagut annertoqaat, peqqutigalugu;

- a) inuttut inuiattullu pisinnaatitaaffigut ulluinnarni unioqqutinneqartuarmata, ullorlu manna tikillugu naalakkersuinikkut taamaattussaannartut isagineqarmata,
- b) KNR innuttaasunut kiffartuussiviusoq qiviaraanni, TV'kkut allakaatinneqartartut taamaallaat 10%'ii oqaatsigut atorlugit aallakaatitassiaapput, taakkunangalu 10%'iniit aallakaateqqitat qanoq annertutigineri eqqaaneqarani,
- c) nutaarsiassaqartitsiviit ataatsimut qiviaraanni, oqartariaqarpugut tamarluinnarmik danskinit aqunneqanngikkunik immersorneqarmata,
- d) ullumikkumut oqaatsitigut marloqiusamik pisortatigut ingerlatsineq atorparput, taamaattussaannartullu isigalutigu. Naak illuatungaani Nunatta Karsiata killilimmik imaqrnera peqqutigalugu, isumatusaartumik atorneqarnissaa ujartoraluarlutigu,
- e) suliffeqarfippassuit namminersortut tamarluinnangajammik allamiunit pigineqarlutillu ingerlanneqarput. Tassanilu aamma naalakkersuinikkut soqutigisaqaqtigiit tamanna taamaattussaannartut isigaat, allaat pissutsit taamaannerat iliuuseqarfiginiarnikuunaguluunniit,
- f) sanaartornerup iluani akissaatitigut periarfissatigullu atugassarititaasut uagutsinnut ajornerupput. Suliassaaleqisoqalerpat uagut siilliulluta soraarsinnejassaagut, sulisussarsioqqilerunillu tikisitsinikkut pissarseqqittarlutik,
- g) qaffasinnerusumik Nunatta avataanut ilinniariartortartut 70%'ii Nunatsinnut uteqqinnej aqorput, naak Nunatta Karsia killilimmik imaqrnera taannarineqartuaraluartoq,
- h) tikisitanik sulisoqarusunneruvugut, taakkua ilinniagaat upperisapalaarsortutut kisiisa ukkitalarugit. 1979'imili Namminersorneruleratta, uagut nammineq inuiattut qanoq kivitsisinnaanerput qanorlu aqqutissiuussisisinnaanerput tunngaviusumik suliluunniit eqqartornikuunngilarput, taamaattussaannartullu isigalutigu,
- i) Ilinniarnertuunngorniarfiit sukateriffigisimavagut, danskit oqaasii qitiusunngorlugit, taamalu inuppassuit ilinniaqqissinnaaneranniat mattullutigit – aamma taamaattussaanartut isigisatta ilaat,



INATSISARTUNI

- j) inuiaqatigiittut suliffeqarfiutigit A/S'innortitat eqqarsaatigalugit, inuiattut soqutigisatta illuatungerluinnaanik pissusilersornerat, piffissaq kingulleq takuarputtaaq qisuararfinginalugu – atorfiliit uppertinneqaratta uagut qinikkat tamakkunani susassaqanngitsugut,
- k) atorfillit pissaaeq annertooq tigummivaat, suliaallu sunnguamilluunniit apeqqusersorneqaratik.,
- l) isumalioqatigiissitanik assigisaannillu inuttalersuinerit ataatsimut qiviaraanni, taamaattussaannartuttaaq danskinit inuttalersorneqartarnerat isigaagut. Uffa taakkuusut isumaliutissiissutinik assigisaannillu oqaaseqaasiortartut, annertuumillu malinniarneqartartut.

Suli taakkartorneqarsinnaasut ilanngutinngikkaluarlugit, qulaani taakkartorneqatsiartut takutippaat, uagut inuit maani najugaqartuuusugut, naleqannginnerusutut isigineqarnerput, suunnginnerusutullu inisisimatinneqarnerput piviusuusoq.

Minnerunngitsumillu inuiaqatigiinnik sukaterinitsinni, inuit soqutigisagut pisariaqartitagullu sunnguamilluunniit apeqqutaanngitsut.

Partii Inuit qulani taaneqartut aallaavigalugit oqariartutigaarput, inuiaqatigiittut ullumikkumut sukatigaanerput, annikinngitsumik pisooqataasoq pisortatigut ikorsiisariaqartarnerpassuarnut. Taamaattumillu inatsisartut naalakkersuisullu taakkuusut, inuit atukkatsinnik ilorraap tungaanut saatitsisinnaasut.

Ajoraluartumik ukiuni 35'ini qaangiuttuni sapiissuseqluta suli inuiattut nammineq soqutigisagut aallutilinngilagut.

Tassani ilaatigut peqqutaaqataalluni, naalagaaffik DK'ip anermik aningaasatigut soqutigisai Nunatsinnut attuumassutillit, annertummata.

Partii Inuit innersuussutigaarput, siunnersuutip itigartinneqarnissaa. Tassani qilanaaralugu ilaatigut pisortanit ikorsiisarnerup ataatsimut nalilersuvigineqarnissaa.